

«Бобурнома»нинг хохлаган саҳифасини ўқиб, бугун учун бир ажиб ҳулоса топасиз. Бу самимий ва тиник, аниқ ва пухта, калб эҳтироси-ю ақл кудрати бўртиб турган ўзбекона жумлалар замирида буюк бир шахс, кучли бир тийнат, теран бир нуқтаи назар, катъий бир сийрат, бугунги тушунчалар билан айтганда, юксак даражада тизимлашган миллий мафкура бор.

Бобур лашкару аъёнлари билан бирга Хиндистонга юриш қилиб, уни эгаллади. Албатта, халқ ўз-ўзидан, шунчаки даъват билан Бобурга эргашиб кетаверган эмас. Бобур Мирзонинг одамлардан кўзда тутган катъий мақсад ва очик манфаати шу эдики, кемага қирганнинг жони - бир: «Мен ўтқа, сувга қирсам-чиксам, бетахоший (ўзбошимчалик қилмасдан) булар била (бирга) қиргайлар ва била чиккайлар. Мен ҳар сориға бўлсам, алар менинг сори бўлгайлар». Шундагина мақсад бирлигига эришилади.

Бунинг ақси бўлиши мумкин эмас. Улар менинг мақсадимга ҳилоф сўз айтмаслиги, ўзаро кенгашиб, маслаҳатлашиб буюрилган ҳар иш ва топширикни бажаришга қиршаётганда ҳали мажлис тарқамасдан турибок ундан қайтиш каби ҳодисалар юз бермаслиги керак, дейди Бобур.

...Бизда исиниб олиш учун ҳаммом барпо этилади. Хиндистон шунчалик исикки, ҳаммомни салқинлашга мослаб қуришади. Бунинг устига, бобурийлар Кобулдан чиқиб, Оғрани эгаллаганлари йили хаддан зиёд исик келган эди. Гарм-сел эсиб, бунга ўрганмаган одамларни каттик холдан тойдирди. Бобурнинг ўзи ёзганидек, улар «Хиндистонда турмокка рози эмас эдилар, балки кетарга юз кўюб эдилар».

Нима қилиш керак?

Бобур барча бекларни кенгашга йигади-да, улар олдига катъий талаблар қўйиб, оташин нутқ сўзлайди:

«Салтанату жаҳонгирлиг беасбобу олот даст бермас. Подшоҳлику амирлик бенавқар ва бевилоят мумкин эрмас. Неча йил саъйлар қилиб, машаққатлар кўруб, узок ерлар катъ этиб (босиб ўтиб), чериклар юруб (лашқар тортиб), ўзумузниву черикни харбу китол мухотараларига (уруш ва ўлим хатарларига) солгайбиз. Тенгри инояти била бу навъ калин ёгиларни (душманларни) босиб, мундок кенг мамлакатларни олгайбиз.

Холо (эндиликда) не зўр келибтуру не зарур қилибтурким, мундок жонлар тортиб олгон вилоятларни бежихат (сабабсиз) солгайбиз (ташлаб кетамиз), яна бориб, Кобулга тангдастлиг ибтилошига (қўли калталиқ бошланишига) колгайбиз?!

Ҳар ким давлатхоҳдур, мундин сўнг мундок сўзларни айтмасун! Ҳар ким тоқат келтура олмай, кетарга юз қўйса, боргонидин қайтмасун!..»

Вазият Бобурдан бекларига шундай дағдага қилишни, улар олдига шундай катъий вазифаю шарт қўйишни такозо этар эди.

Жангларда кўп мардликлар кўрсатган Хожа Калон, барибир, Хиндистонда колишни истамади. Охири, Бобур Мирзо уни Кобул ва Газнига юборилаётган сов-га-саломларни олиб борувчиларга бошлик килиб тайинлаб, кайтишга рухсат берди. Унга Газни, Гардиз ва Султон Масъудий хазорани иноят килди. Яъни Бобур бек норизо бўладиган бирор иш килгани йўқ.

Бирок...

Хожа Калон Хиндистондан кетаётганида ўзи турган уйнинг иморати пештокига «Хиндистонингни елкаминг чуқури кўрсин» кабилидаги «Хинд юртидан эсон-омон кайтиб, уни яна орзу килар бўлсам, юзим кора бўлсин» деган байтини битиб кетди: Агар бахайру саломат гузар ба Синд кунам, Сиёхрўй шавам, гар хавойи Хинд кунам.

Ана холос!

Хўш, бунга Бобур нима дер экан?

Айтарини айтди, албатта: «Биз Хиндус-тонда туруб, мундок зарофатомиз (камситадиган) байт айтмоку битмок бесувраттур (маъкул эмас)».

Чунки бундай шеърни айтиш хам, уни уй пештокига ёзиб қўйиш хам бобурийларнинг Хиндистондаги сиёсати манфаатларига зид ва халал бергувчи ходиса эди.

Бобур Мирзонинг хукми катъий: «Кетмакдин бир кудурат (хафачилик) бўлса, бу навъ зарофаттин икки кудураттур!»

Шоир эмасми, бу воқеадан хабар топган Бобур ўша захоти бадиха (ёдаки шеър айтиш) йўли билан бир рубоий тўкийди-да, коғозга битиб, оркадан Хожа Калонга жўнатади: Юз шукр де, Бобурки, караму гаффор, Берди сенга Синду Хинду мулки бисёр. Иссиклигига гар санга йўктур токат, Совук юзини кўрай десанг, Газни бор.

Бу нима, манфаатлар тўкнашувими? Ундай бўлса, биз тушунган мафкура - худди шу!

Бир инсон бегона юрт иклимига кўниколмаган бўлса, шуни шеърга солса, нима килибди! Шоир Бобур бунга ажабтовур тушунади. Аммо бу шох Бобурга асло ёкмайди. Чунки шугина икки катор шеър унинг сиёсатига, демакки, тузган давлати манфаатига карши эди, унинг ана шу сиёсатига халал келтирар эди, албатта.

Аввало, ёзмасин эди. Ёзса хам, жилла курса, элга, хусусан, хинд халкига бундай ошкор килмасин эди. Ахир, Хожа Калон кетаётган бўлса хам, биз шу ерда коляпмиз-ку, дейди у.

«Бобурнома» да бунга ўхшаш мафкуравий ўринлар сон-минг. Шунинг учун хам адабиётни

мафкурадан холи холда тасаввур килиб бўлмайди.

Султонмурод Олим